

卷之十

知宣恩縣事平湖張金瀾監纂

風土志

土宜

地黃土赤墳山多土瘠境內播種穀屬惟包穀最多地不擇肥磽播不忌晴雨肥地勿用淤糞唯鋤草而已但積貯倉箱不匝歲間即蟲腐焉凡七里高處無水源所在均宜種包穀種以清明始收以九月止豆粟高粱亦如之如東鄉里之椿木營忠崗

宣恩縣志

卷之十

風土

一

里之烏脊嶺等處均宜種洋芋蓋陰寒過甚五穀不生亦就土之所宜也如高羅里之九間庄忠建里之經厯寨等處宜稻宜甘藷近邑平地宜稻稻種有早遲社前下種謂之社秧清明下種謂之清明秧插以芒種為止最早者曰百日早百日即熟矣次曰麻早處暑後收最遲者曰馬尾粘其穗長結實繁碩白露後收至山田地高水寒遲至霜降節收謂之溪水穀雜糧名目

甚多收成在七八九十月間不等田無頃畝以種穀之石斗升合計之宣民居低山者除稻穀外以甘藷為接濟正糧居高山者除包穀外以洋芋為接濟正糧遇歲荒則挖蕨度日謂之開土倉桑葉與下江種不同亦不多見鄉中間有飼蠶者獨不宜種棉花以地氣太寒故耳藥材隨在皆出土人亦未能盡識之栽者僅厚朴而已此其大概焉

卷之十

風土志

物產

穀屬俱有惟包穀最多本草名玉蜀黍江浙人名如米俗名包穀

甘藷即山茹又名番薯有紅白二種味與下江種較甘山地多種之

洋芋東鄉椿木營忠崗烏脊嶺等處最多實大常芋數倍味則遜之山民聊以備

宣恩縣志

卷之十

風土

一

荒

芋有水旱二種旱芋山地可種水芋水田種之農家藉以助飽所謂種芋三十畝省米三十斛者信然又一種名磨芋磨汁為腐俗呼磨芋豆腐

薯頭

蕨宣山最多掘根搗爛去滓澄粉其味尚甘可以備荒

笋早春有南竹笋班竹笋繼之水竹笋又
繼之七月有慈竹笋冬有冬笋其味最
美

蔬屬俱有惟白菜最佳

辰屬俱有

菓屬俱有

木屬俱有瘦木楠木為貴

瘦木有二種以花瘦為佳山中亦間有之

楠木

述異記一年東榮西枯一年讓木

咸豐最

宣恩縣志

卷之十

風土

二

多宣境亦有

櫛木

西域傳烏孫國多櫛木宣邑亦多

楓香

大樹如雞卵曬乾可燒蜀本草楓脂名入地千年化為琥珀

竹屬十種

荆竹 南竹

班竹

水竹

紫竹

慈竹 茨竹

苦竹

冷竹

羅漢竹

花屬

春蘭

秋蘭

珍珠蘭

牡丹

海棠

芍藥 菊 薔薇 繡毬 蓮 鳳仙
梔子 芙蓉 杜鵑 茶蘼 南天竹
禽屬俱有

竹鷄鳴則呼泥滑滑居竹林多斑文畜之
可制白蟻一鳴三十六聲者佳

錦鷄赤雉也長尾徧身文彩好事者畜養
圍以朱簾繡柱

白鸛頭無丹項無烏帶身如鶴不善唳其
聲有似老人咳又本草似鵠而巢林者

宣恩縣志

卷之十

風土

三

曰白鸛禽經鸛仰鳴則晴俯鳴則陰署
中棚木上多巢

鱗屬甚少惟此數種

鯉魚 鱸魚 青魚 鰕魚 白甲魚

魴魚 蛙蛙魚 即魴魚

獸屬

豹 馬熊 狗熊 豺 獼猴 狐 狸

獾 麂 麝 獺 山羊 馬 驪

白面狸 野豬

藥屬

木瓜

大黃

黃蘗

桑寄生

參三七

黨參

苦參

五加皮

何首烏

黃連

厚朴

黃精

艾

夏枯草

金銀藤

半夏

牛膝

麝香

宣恩縣志

卷之十

風土

四